

佛說五大施經

宋西天三藏朝奉大夫試光祿卿傳法大師施護等奉 詔譯

佛世尊一時在舍衛國祇樹給孤獨園與苾芻衆俱佛告諸苾芻言有五種大施今爲汝說何等爲五所謂一不殺生是爲大施二不偷盜三不邪淫四不妄語五不飲酒是爲大施以何義故持不殺行而名大施謂不殺故能與無量有情施其無畏以無畏故無怨無憎無害由彼無量有情得無畏已無怨憎害已乃於天上人間得安隱樂是故不殺名爲大施不偷盜不邪淫不妄語不飲酒亦復如是

佛說五大施經

之一

十